



Sanavalliajuk kamagijautsiatumik ammalu sangijumik

“Kaujimajauullagijaugialik” Maligatsak: Tuavittumik atugunnangigiamut utjitotet piusigijangit

TuavittuKalippat, uKâlagit 9-1-1 upvalu nunalet polesinnut.

Kinatuinnak uppiniKappat kamagijautsianinga ulugianattumeninganik immigut upvalu asimminut, kinatuinnak ottugasok prâvinsikkunut upvalu nunalinnut itluatsaivinnut pigumagiamut tuavittumik atugunnaititsigiamut utjitotimmik apigijumik Kukiutinnut, asigiallait piKutinut, ammalu Kukiutinnut laisansinginnik pejaulaullagajammangât.

Ottugagiamut piusingit

1. Ottugagiamut prâvinsikkunut upvalu nunanut itluatsaivinganut

Tâna sivullimi piniannigijaugialik ottugautittâgiamut prâvinsikkunut upvalu nunalinnut itluatsaivimmut pigumagiamut tuavittumik atugunnaititsigiamut utjitotimmik petsigiamut Kukiutinnik ammalu asigiallanik piKutinik kinatuinnak uppiniKappat kamagijautsianinga ulugianattumujuk immigut upvalu asimminut.

Kinatuinnak ottugasok ilingajumut tuavittumik atugunnaititsigiamut utjitotimmik.

Kaujimaugialik: UlugianattuKagajappat tainna immigolingajuk pitâgajanninganik asianit inummit Kukiutimmik, ottugautiliuttuKagajakKuk ilingajumut tuavittumik ilagiattaugiallagajangitumik atugunnagiamut utjitotimmik.

2. Itluatsaijik sakKititsijuk tusattaugajattumut

Malillugu tâpsuminga, itluatsaijik sakKititsivuk tusattauniattumut (tainna ottugajuk sakKititsimat takujausimajumut) Kaujigiamut tainna tuavittuk atugunnangigiamut sanajaujutsaumangâllonet.

Tainna inuk utjituttâtaugasujuk ilauKataungituk tusattaugasujumut.

Kaujimaugialik: Tainna inuk Kaujimattitauniangituk tusattaugasujumut upvalu ottugautimmik kisiani tainna utjituttaugasujuk sanajauppat. Tainna ottugajuk apigigajammijuk itluatsaivimmik paigijaugutiKagiamut Kaujijaukkulugani nungutillugit nalunaigutet Kaujigatsanginnik ilautigillugit iluani ottugautimmut upvalu aukâttisilluni atugunnagiamut taipsumunga. Tainna itluatsaijik matumatitsigajattuk tusattaumik inulimânut/tusagatsaligijikkunginnut.

Tusattausimaligeppat tuavittumik atugunnaititsigiamut utjitotimmik, atautsik maggonit sakKigajattut:

1. Itluatsaijik uppiniKangipat tainna utjitotik sanajaujutsaumangât kamatsigiamut paigijaugutiKagiamut kinatuinnamut, tainna utjitugatsak tunijauniangituk, ammalu pinianniKagiallalogani.

2. Itluatsaivik Kaujimatsiatat tainna utjitotik sanajaugialik Kaujimatsianiagami tainna paigijautsianittuk kinatuinnak, tainna utjitotik tunijaulangavuk. Utjitotik atuniKatsiatuk tapvainak ammalu akunetigigajattuk 30 ullunik.

3. Inuk utjituttaujuk Kaujimattitaujuk; Kukiutet pejaujut

Kangatuinnak tuavittuk atugunnangigiamut utjitotik sanajaummat, tainna inuk utjituttaulangajuk Kaujimattitaujuk. Tainna inop Kukiutingit, ânninattojut ammalu asigiallait piKutet pejaulangavut 30 ullunik. Taikkua Kukiutet tigujaunut polesikkunut upvalu utittitaujut namminiKajumut.

Kaujimajaugialik: Tainna utjitotik atuniKalimmat, tainna inuk utjituttausimajuk ottugasok Kangatuinnak nukKatitsigiamut. Ottugasongummijut tainna atugunnangigiamut pejaukkulugu niKitsasiugunnagiamut upvalu suliatsaminut pitjutiKalluni. Tainna itluatsaijik pigumatuaguni nunakKatitsigajattuk upvalu pellugu utjitotik.

Tainna tuavittumik atugunnangigiamut utjitotik nukKatitauppat upvalu pijagesimalippat, tainna inop piKutingit ammalu Kukiutikkagiamut laisansinga utittitauvut tapvainak.

4. Akunenitsak-initsanga atugunnangigiamut utjitotik (Itluatsaijik pigumatuappat)

Tainna itluatsaijik kajusiutiliugajattuk âkKisuigiamut tusattaugunnagiamut isumatsasiugiamut akunenitsamik-initsanga atugunnangigiamut utjitotimmik, akuniutigisomik tallimanik jârinik.

Tainna inop piKutingit ammalu Kukiutingita laisansinga utittitaungitut
tusattaUKâttinagu pijagesimalippat.

Tusattaugesimalimmat, atautsik maggonit sakKigajattok:

1. **Tainna itluatsaijik tunitsingituk akunenitsamik utjitotitsamik.** Tainna
tuavittumik atugunnangigiamut utjitotik nukKatitaujuk, ammalu tainna inop
piKutingit ammalu Kukiutinnut laisansinga utittitaulangavut
tapvainaunittumik; upvalu
2. **Tainna itluatsaijik tunitsijuk akunenitsamik atugunnangigiamut
utjitotimmik tallimanut jârinut.**

Tainna inop piKutingit ammalu Kukiutinnut laisansinga **utittitaungitut.**

Kaujigatsatâgiallagiamut ilinganiKajunut KaujimajaugiaKajunut maligatsanik
ammalu taikkuninga paigijaugutinnut, Kaujisapvigillugit ipvit nunalet
itluatsaivinganik. Ilisapvigigiallalu pitjutigillugu “KaujimajaugiaKajunut”
maligatsanik ammalu Kanuk ikajugajakKomangâmmik sakKititsitailigiamut
Kukiutinnik pilukaigiamut:
<https://www.canada.ca/red-flag-laws> (<https://canada.ca/lois-drapeaux-rouges>).

Tânnâ Kaujigatsak sulijuk tunijaumajuk allatausimatluni

Tânnâ nenittausimajut atuinnaumijut Kagitaujatigut asigiallanik

uKausituKagijaujunut omani

<https://www.publicsafety.gc.ca/cnt/rsracs/pblctns/rd-flg-epo-prcs/index-en.aspx>

(<https://www.securitepublique.gc.ca/cnt/rsracs/pblctns/rd-flg-epo-prcs/index-fr.aspx>)

(insert month and year) Cat. No. PS4-334/5-2025Iku-PDF

ISBN 978-0-660-98389-9